

սակարգին, նորա քսակը միշտ բաց կը լինի բարի բաների համար:

«Բայց այդպիսի մի զօրեղ ազգ, որ վստահ է իւր կաշու և քսակի վերայ, ինչո՞ւ ղէնքը ձէռքում չ'է պահանջում իւր իրաւունքը: Ի՞նչու ողորմութիւն է հայցում: Եւրոպական տէրութեանց վրա յոյս դնելու համար ևս դարձեալ ոյժ է հարկաւոր: Իմ կարծեօքս, ասում էր խանը, նա միայն իւրաւունք ունի յոյս դնել օտար ոյժի վերայ, երբ ինքն էլ ոյժ ունի: Փոխառութեան դրամազուլուխը հաւատում են ոչ թէ անձնաւորութեան, այլ նորա ստացուածքին կարողութեան: Ի՞նչ խելք է քաղաքականութեան մեջ գթութիւն փնտռել: Ինչտեղ շահերի ընդհանուր մրցնում կայ, այնտեղ գթութիւն չը կայ և գթութեան առարկան օտի տակ տրորվում է: Աւթսուն տարին անցրել եմ ասում էր Հիւսէյն աղէն, իմ ժամանակամիջոցում շատ փոփոխութիւններ եմ տեսել աշխարհի երեսին: Շատ աղնիւ և մարդասիրական անունների տակ կատարվել են սարսափելի արիւնհեղութիւններ և յափշտակութիւններ ստացուածքի, հողի: Ինչտեղ ուժի գերակշռութիւն կայ, այնտեղ անիրաւութիւնը իրաւունք է դառնում: յանցանք, ոճրագործութիւններ—առաքինական պարտքեր: Հայերը իւրեանց յոյսը պիտի դնէին զիրաւորապէս իւրեանց վերայ և հետե-